



Inatsisartunut ilaasortat

Suka K. Frederiksen aamma Anders Olsen

### § 37 2015/010 -mut akissut.

Asasakka Inatsisartunut ilaasortat Suka K. Frederiksen aamma Anders Olsen.

Inatsisartut suleriaasianni § 37 naapertorlugu Naalakkersuisunut 22. januar 2015-imi imaattunik apeqquteqarpusi:

29. januar 2015  
Suliap nr. 2015-110545  
All. Nr. 1837184

Postboks 1037  
3900 Nuuk  
Oqarasuaat (+299) 34 50 00  
Fax :+299 32 46 14  
E-mail: oed@nanoq.gl  
www.nanoq.gl

#### **1. Naalakkersuisut missiliuussinemat malillugu Inatsisartuni ilaasortat aalajangiiffigisassatut siunnersuutinik saqqummiussisartut illoqarfik najugaqarfisik iluaqusernissaa siunertaralugu, tamanna misissuivigineqarnikuua?**

Akissut: Naalakkersuisut aalajangiiffigisassatut siunnersuutit ataasiakkaat inuiaqatigiinnut iluaqutaasinnaaneri eqqarsaatigalugit nalilersortarpaat, Inatsisartunut ilaasortap siunnersuuteqartup kinaanera imaluunniit siunnersuuteqartup suminngaanneerana apeqqutaatinnagit. Pingaarneq tassaavoq siunnersuutip Naalakkersuisut tamanut atuutumik nunamilu ineriartornermut sivirusumik attanneqarsinnaasumut politikkiannut naapertuunnissaa. Naalakkersuisut misissorsimanngilaat Inatsisartunut ilaasortat namminneq najukkaminnut soorlu illoqarfimminnut taamaallaat iluaqutaasussanik siunnersuuteqartarnersut.

#### **2. Naalakkersuisut missiliuussinemat malillugu illoqarfiit nunaqarfiillu inatsisartunut qinikkanik sinniisuutitaqanngitsut ineriartornerat annikinnerusoq/annertunerusoq?**

Akissut: Illoqarfiit nunaqarfiillu tamarmik qinikkanik sinniisuutitaqarput. Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersumi, § 45, imm. 4 malillugu allaqqavoq kommuniusimasumi kommunimi ilaasumi ataasiakkaani tamani kommunalbestyrelsimi ilaasortaq ataaseq nunami sumiiffiup sinniisaatut qinigaassasoq. Taamaalliluni illoqarfiit kommuniusimasut tamarmik qinikkanik sinniisuutitaqarput.

Aqutsineq pillugu inatsimmi (Kommunit aqunneqarnerat pillugu Inatsisartut inatsisaat nr. 22, 18. november 2010-meersoq kingornalu allanngortinneqarsimasoq), § 51, imm. 1 aamma 2-mi allaqqavoq:

*"Nunaqarfinni aqutsisussanik ataatsimoorussanik minnerpaamik kommunip iluani nunaqarfiit marluk peqataaffigisaannik qinersisoqartassaaq. Kommunalbestyrelsip aalajangersassavaa nunaqarfiit sorliit ataatsimoorussassaminnik aqutsisoqartinneqassanersut, aammalu pingasunik tallimaniluunniit ilaasortaqaassanersut. Aalajangerneq pissaaq ukioq nunaqarfinni aqutsisunik ataatsimoorussanik qinersiviususaaq sioqqullugu, ukiup naannginnerani. imm. 2. Naalakkersuisut pisuni immikkut ittuni imm. 1, oqaaseqatigiit aappaanni aalajangersakkamik sanioqutsinissamut immikkut akuersissuteqarsinnaapput, nunaqarfiit avinngarusimasumiittut imaluunniit innuttaqortuut eqqarsaatigalugit. Naalakkersuisut aalajangerniarnermi oqimaalutarisinnaavaat kommunalbestyrelsit pineqartut nunaqarfinni aqutsisussanik ataatsimoorussanik aalajangersaarnermi qanoq nunaqarfinnik aqutsinikkut katiterisimanagerat, nunaqarfiit minnerpaamik marlukkaarnissaat eqqarsaatigalugu."*

Taamaalilluni nunaqarfiit qinikkanik sinniisuutitaqarput.

Taamaamat apeqqummut illoqarfiit nunaqarfiillu inatsisartunut qinikkanik sinniisuutitaqanngitsut ineriartornerat annikinnerusoq/annertunerusumut tunngasoq annerusumik akissuteqarfigisinaanagu isumaqarpunga.

Apeqqutissili tunuliaqutaa paasisinnaalluaqaara. Najukkami oqartussaaqataanermut apeqqut Naalakkersuisut pingaartittorujussuuaat, taamaammallu aqqissuusseqqinneq nalilersuiffigissavarput, tassani aamma aqqissuusseqqinnerup najukkami oqartussaaqataaneq qanoq sunnernerata nalilersuiffiginera ilanngullugu, aamma najukkami aalajangiiniarnernut tunngasuni innuttaasut peqataatinneqarsinnaanerit sunniisinaanerallu ilanngullugit eqqarsaatigalugit. Apeqqutit tamakku piffissami aggersumi annerusumik oqaloqatigiissutigisinaanassagivut neriutigaara.

Inussiarnersumik Inuulluaqqusillunga



Kim Kielsen

14. januar 2015

Inatsisartut suleriaasianni § 37 naapertorlugu matumuuna Naalakkersuisunut imaatumik apeqquteqaateqarpugut:

**Apeqqutit:**

- 1. Naalakkersuisut missiliuussinerat malillugu Inatsisartuni ilaasortat aalajangiiffigisassatut siunnersuutinik saqqummiussisartut illoqarfik najugaqarfitsik iluaqusernissaa siunertaralugu, tamanna misissuivigineqarnikua?**
- 2. Naalakkersuisut missiliuussinerat malillugu illoqarfiit nunaqarfiillu inatsisartunut qinikkanik sinniisuutitaqanngitsut ineriartornerat annikinnerusoq/annertunerusoq?**

(Inatsisartuni ilaasortat Suka K.Frederiksen, Anders Olsen, Siumut)

**Tunngavilersuut:**

1998-mi kalaallit nunaanni inatsisartunut qinersisarneq pillugu allanngortitsisoqarpoq qinersivik ataasiusoq pilersinneqarluni. Tamanna sioqqullugu ilaasortat 26-it inatsisartunut qinersivinniit aalajangersimasuniit qinerneqartarput, ass. Nanortalinniit Paamiunut arfinilinnik sinniisuutitaqarfiusumi.

Kalaallit nunaani nuna ima angitigaaq nuna aggorneqarnerata kingunerisaanik inuuniarnermi kulturikkullu atukkat sumiiffimmiit sumiiffimmut assigiingitsuullutik.

Kommuunit kattussuuneqarnerisa kingunerisaanik suli annerusumik assigiingisuseq ersarinnerulerpoq, sumiiffinni akisussaaqataaneq maanna annertuumik ujarorneqarpoq. Qineqqusaarnermi qinersinernilu sumiiffinni sinniisut ersarisumik piumaneqartut takussutissaqarfiupput.